



# ИШОНЧ

13  
1993 йил  
27 март  
2 апрель  
(106)

Ўзбекистон қасаба уюшмалари Федерациясининг ҳафталик газетаси

## ЮРТИМНИ КЕЗМОҚДА НАВРЎЗИ ОЛАМ!



Тошкент 1993 йил 21 март



Истиқлолга эришган озод Ватанимиз пойтахти Тошкентнинг Халқлар Дўстлиги майдонида Наврўз тантаналарига оқ фотиҳа бериб, оқ йўл тилашнинг ҳам рамзий маъноси ҳикмати бор. Зотан, қуёш зийси билан йўғрилган Ўзбекистон заминида юздан ортик миллат вакиллари елкама-елка туриб истиқлолимизни мустақкамлаш йўлидан порлок истиқбол сари дадил одимламоқда. Халқлар Дўстлиги майдонидаги тантаналарда юртимиз меҳнат аҳли тинчлик ва тотувликни нечоғлик ардоқлаётгани, азалий анъаналари, урф-одатларини янги мазмун билан бойитиб асраб-авайлаб келаётгани яна бир бор намоён бўлди.



## ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ КАРИМОВГА ЎЗБЕКИСТОН ҚАСАБА УЮШМАЛАРИ ФАОЛЛАРИНИНГ МУРОЖААТИ

Азиз ва мухтарам Ислам Абдуғаниевич! Шарқона янги йил — Наврўз шодиёналарини халқимиз баҳорий кайфият, баланд руҳ, янги-янги умидлар билан кутиб олаётган ушбу қутлуғ кунларда биз сизга мурожаат қилиб, дил розини изҳор этишни лозим топдик.

Халқимизнинг асрий орзуси бўлган ватан мустақиллиги тобора мустақкамлашиб бораётганини кўриб, қалбларимиз қувончга тўлаётир. Сиёсий, иқтисодий ва маданий ҳаётимизда рўй бераётган инқилобий ўзгаришлар сиз олиб бораётган доно ички ва ташқи сиёсат самараси эканини ҳар биримиз юракдан хис этиб турибмиз.

Республика мустақилликка эришгандан бери босиб ўтилган йўлга назар ташласак, ташқи сиёсий ва иқтисодий алоқаларни мустақкамлаш, меҳнатқашларни ижтимоий-иқтисодий жиҳатдан қўллаб-қувватлаш, унутилаётган қадриятларимизни тиклаш, янги давлат тизимини яратиш ва бошқа соҳаларда ўн йилликларга татигулик ишлар бажарилаётганининг гувоҳи бўлаяпмиз. Буларнинг барчасига, энг аввало, сизнинг тинчликсевар сиёсатингиз, қолаверса, фуқароларнинг фидокорона меҳнати туфайли эришилаётир. «Ўзбекистоннинг ўз истиқлол ва тараққиёт йўли», «Ўзбекистон — келажаги буюк давлат» рисолаларингизни зўр иштиёқ билан ўқиб-ўрганиб, истиқлол ва истиқболга бўлган ишончимиз яна ҳам ошиб

борапти. Иқтисодий бўҳронлардан тезда чиқиб кетишимизга, мустақил диёримизга ёруғ кунлар боқишига, Ўзбекистон яқин йиллар мобайнида фақат Шарқнинг эмас, балки бутун жаҳоннинг энг тараққий этган мамлакатларидан бирига айланишига шак-шубҳамиз йўқ.

Маълумки, юрт тараққиёти, аввало, фуқароларнинг юртбошига бўлган ишонч-этиқодига боғлиқ. Сиз миллатпарвар, юртпарвар инсон сифатида ҳар бир ватандошимизнинг меҳрини қозонгансиз, десак муболага бўлмас. Сиз она халқимизнигина эмас, қўшни мамлакатлар халқларининг ҳам теран ҳурмат-этиборини қозонгансиз. Тожикистонда ва умуман бутун Марказий Осиё минтақасида тинчлик ва осойишталикни сақлаш йўлидаги саъй-ҳаракатларингизни барча тинчликсевар кучлар юксак қадрламоқда. Дарҳақиқат, тинчлик барча бойликлар манбаидир. Буни халқимиз азалдан эътироф этиб келган ва осойишталик учун курашган. Шу жиҳатдан сизнинг тинчликсевар сиёсатингиз энг оқилона сиёсатдир.

Бозор иқтисодиётга ўтиш жараёнида олдимизда кўпгина муаммолар кўндаланг бўлаётгани сир эмас. Лекин сиз чиқараётган фармонлар ва ҳукумат қарорлари бу муаммоларни ҳал этишда, бозор муносабатларига босқичма-босқич ўтишда қудай имкониятлар яратмоқда. Республика қасаба уюш-

малари аҳолининг барча табақаларини ижтимоий-иқтисодий ва ҳуқуқий жиҳатдан ҳимоялашда ҳукумат билан ҳамкорликни яна ҳам кучайтираверади. Ўзбекистон Республикаси Вазирлар маҳкамаси билан республика қасаба уюшмалари Федерацияси кенгаши ўртасида 1993 йилга мўлжаллаб тузилган битим ҳам шу мақсадга хизмат қилади.

Ўзбекистон қасаба уюшмалари Федерацияси кенгаши аъзолари Сиз чиқарган фармонлар ҳар бир вилоят, район ҳамда меҳнат жамоаси ҳаётига татбиқ этилишига, юртимизда сиёсий барқарорлик сақланишига, барча соғлом кучлар сизнинг теварагингизда жипслашувига куч-ғайратларини сарфлайверади.

Зеро, ҳаммамизнинг орзу-умидимиз, мақсадимиз битта — у ҳам бўлса Мустақил Ўзбекистон Республикасини жаҳон афқор оммаси кўзи ўнгиде гуллаб-яшнаган диёрга, тинчлик ва осойишталик барқарор бўлган мамлакатга, халқи бойбадавлат ўлкага айлантиришдир. Яхши ният халқимизга ҳамиша йўлдош бўлиб, юртимизга бахт ва омад кулиб боқаверсин.

Ўзбекистон қасаба уюшмалари Федерацияси кенгашининг 1993 йил 19 мартда бўлиб ўтган бешинчи анжумани қатнашчилари.

## ЎЗБЕКИСТОН ҚАСАБА УЮШМАЛАРИ ФЕДЕРАЦИЯСИ КЕНГАШИНИНГ МАЖЛИСИ

Ўзбекистон қасаба уюшмалари Федерацияси кенгашининг бешинчи мажлиси бўлиб ўтди. Унда «Бозор иқтисодиётга ўтишнинг Ўзбекистон Республикаси Президенти И. А. Каримов белгиланган асосий принциплари ва қасаба уюшмаларининг вазифалари тўғрисида» республика қасаба уюшмалари Федерацияси кенгаши раиси Б. А. Алламуродовнинг маърузаси тингланди ва муҳокама этилди. (Маъруза баёни газетанинг 2-саҳифасида эълон қилинмоқда)

Музокараларда Ўзбекистон нефть ва газ саноати ходимлари қасаба уюшмаси Марказий кўмитаси раиси Ҳ. Мирҳабیبов, Жиззах вилояти қасаба уюшмалари кенгаши раиси И. Хушиев, «Ташсельмаш» ишлаб чиқариш бирлашмаси бригада бошлиғи А. Нурмухамедов, Сирдарё вилояти «Голднострой» бирлашган қурилиш қасаба

уюшмаси кўмитаси раиси А. Аскарлов, Тошкент шаҳар нефть ва газ саноати ходимлари қасаба уюшмаси кўмитаси раиси Н. Файзуллаева, Наманган вилоят қасаба уюшмалари кенгаши раиси Х. Абдурахимовлар сўзга чиқишди.

Мажлисида «Ўзбекистон Республикаси қасаба уюшмаси ташкилотларида молия интизомини тартибга солиш ва ягона молиявий интизом ўрнатиш тўғрисида», «Ўзбекистон қасаба уюшмалари Федерациясининг 1992 йилги ижтимоий сугурта бюджетининг бажарилиши тўғрисида»ги масалалар ҳам кўриб чиқилди.

Кўрилган масалалар юзасидан тегишли қарорлар қабул қилинди.

Кенгаш мажлисида ташкилий масала ҳам кўрилди.

Ўзбекистон қасаба уюшмалари Федерацияси

кенгаши раисининг муовини К. Адаманов бошқаришга ўтганлиги ва республикадан ташқарига кўчиб кетганлиги муносабати билан лавозимидан, кенгаш ҳамда кенгаш раёсати аъзолигидан озод қилинди.

Тошкент шаҳар Собир Раҳимов райони ҳокими бўлиб ишлаб келган К. М. Рафиқов Ўзбекистон қасаба уюшмалари Федерацияси кенгаши раисининг муовини лавозимига, кенгаш ҳамда кенгаш раёсати аъзолигига сайланди.

Мажлис иштирокчилари Ўзбекистон Республикаси Президенти И. А. Каримов номига кўтарилган руҳ ва яқдиллик билан Мурожаатнома қабул қилдилар. (Мурожаатнома газетанда эълон қилинмоқда).

Мажлис ишида Ўзбекистон Республикаси Президенти аппаратининг етакчи маслаҳатчиси И. Н. Саидов иштирок этди.














Саволларга Ўзбекистон агросаноат мажмуи ходимлари касабаси уюшмаси Марказий Кўмитасининг бўлим муdiri Босит АҚБАРОВ, Кўмита йўриқчиси Шавкат ҚЎШОҚОВ, Федерация кенгаши ҳуқуқ назоратчиси Надежда Ефимовалар жавоб берадилар.

Мен 1989 йилда декрет таътилига чиқдим, бу вақтда ойлик маошим 110 сўмни ташкил этар эди. 1990 йили фарзандим вафот этди ва ишга чиқдим. Икки ярим ой ишлаб яна декрет таътилига чиқдим. 1992 йил 5 апрелдан яна шу такрорланди. Бухгалтерия ҳисоб-китоб қилиб менга 529 сўм декрет пули чиқарди. Шу ҳисоблаш тўғрими, ахир 1992 йилда маошлар оша бошлаган эди-ку?

Иккинчи саволим шундан иборатки, 1990—1991 йилларда ишламаганлигим учун менга 60 сўмдан компенсация тўланар эди, болам учун эса 110 сўм беришарди.

Ҳозирги вақтда фақат 110 сўмнигина олаётман. Шунини аниқлаб беришингларни сўрайман.

А. ПАРМОНОВА,  
Самарқанд вилояти, Булунгур райони.

Сизга 1992 йилда фарзандни парвариш қилиш бўйича ёрдам пули ва компенсация тўғри тўланган. Ўзбекистон Республикаси Президентининг 1992

йил 8 октябрдаги фармони-га биноан 1992 йил 1 октябрдан болалар учун ёрдам пули ва компенсация ҳажми 1,5 барабар оширилди.

Собиқ СССР даврида КПСС Марказий Кўмитаси ва Министрлар Кенгашининг 1988 йил 5 март 173-сонли қарорига асосан илмий даражаси ва унвонга эга бўлган мутахассисларга Олий ва ўрта махсус ўқув юртлирида ҳафтада 4 соат иш ҳақи сақланган ҳолда дарс беришга рухсат этилган эди.

Шунингдек, илмий даража ва унвонга эга бўлган мутахассисларга ташкилот ва корхоналарда ишлагани учун қўшимча ҳақ тўланар эди. Ҳозирги вақтда ҳам ўша қоидаларга амал қилинадими?

Б. ҚАНОАТОВ,  
Иқтисод фанлари номзоди,  
доцент, Қарши шаҳри.

Сизни қизиқтирган савол юзасидан Ўзбекистон Республикасида норматив

ҳужжатлар ҳозирча йўқ. Ўзбекистон Республикаси Вазирлар маҳкамасининг

Ўзим ўқитувчиман. 2 та фарзандим бор. Турмуш ўртоғим 1984 йил 14 апрель кунин В. Волинск пахта тозалаш заводидан бахтсиз ҳодиса туфайли оламдан ўтган. Шу йилдан бери боқувчисини йўқотганлик нафақасини оламан. Ўша вақтда таъминот бўлими-дан 120 сўм, пахта тозалаш заводидан 106 сўм, 17 тийин олардим. Президентимизнинг фармонига мувофиқ нафақа миқдори ортиб бориб, ҳозирги кунда ижтимоий таъминот бўлими-дан 1000 сўм, пахта тозалаш заводидан эса 250 сўм нафақа пули олаётимиз. Ҳозирги кунда барча ишчиларнинг ойлик маоши ошаётган бир пайтда, нима учун бизга тўланаётган (250 сўм) нафақа пулини миқдори кўтарилмаган?

М. АЗИМОВА,  
Сирдарё вилояти, Сайхунобод райони,  
Пахтакор қўرғони.

Етказилган зарар учун товон тўлаш миқдори 1992 йил 1 сентябрдан бошлаб меҳнат ва социал таъминот вазирликлари ҳамда Ўзбекистон касабаси уюшмалари Федерацияси кенгашининг 1992 йил 18 сен-

тябрдаги қароридан белги-ланган қоидалари асосида ҳисоблаб чиқилади.

Мазкур қарорга биноан меҳнат жароҳати олган фуқароларга, шунингдек, шу сабабли боқувчисидан маҳрум бўлган тақдирда зарар

Фарзанди 1,5 ёшга етгунча парваришлаш бўйича ойлик ёрдам пули 165 сўм, 1,5 ёшдан 6 ёшгача болалар учун ойлик ёрдам пули эса 120 сўм қилиб тайинланган. 6 ёшдан 16 ёшгача (стипендия олмайдиган ўқувчилар 18 ёшга етгунча) болаларга ойлик ёрдам пули ҳар бир бола учун 60 сўм миқдоридан белгиланган.

Ҳар бир бола туғилганида бир галги ёрдам пули энг кам иш ҳақи икки барабар кўпайтирилган миқдорда (5000 сўм) тўланади.

Илгари бўлганидек ёрдам пули ва компенсациянинг муайян турлари онанинг асосий иш жойидан, она ишламайдиган тақдирда отанинг ёки ота-она ўрнини босадиган шахсларнинг асосий иш жойида берилади. Ота ҳам, она ҳам ишламаса ва ўқимаса ёрдам пули ва компенсация ота-оналар ва болалар истиқомат жойи бўйича ижтимоий таъминот органларида берилади.

1992 йил 20 январдаги 210-сонли қарори асосида Собиқ СССРнинг республикамиз Конституцияси ва қонунларига зид бўлмаган норматив ҳужжатларига риоя қилинади. Яъни собиқ КПСС Марказий Кўмитаси билан СССР Министрлар Кенгашининг 173-сонли қарорига амал қилинади.

Асосий иш жойингизда иш ҳақи тўла сақланган ҳолда бошқа ўқув юртида ҳафтасига 4 соат ўриндошлик асосида дарс беришингиз мумкин...

учун тўланадиган товон миқдорини ҳисоблаб чиқишда асос қилиб олинган иш ҳақи Ўзбекистон Вазирлар Маҳкамасининг 1992 йил 4 сентябрдаги қарори билан тасдиқланган тузатиш коэффициентига мувофиқ кўпайтирилади.

Зарар учун тўланадиган товон миқдори ҳисоблаб чиқилаётганида меҳнат жароҳати ва боқувчисидан маҳрум бўлганлик учун амалда тўланаётган нафақа ҳисобга олиниши керак.

Ўзбекистон Республикаси Президентининг иш ҳақини ошириш ҳақидаги Фармонларига биноан зарар учун тўланадиган товон пули 1992 йил 1 октябрдан 1,6 баробар, 1993 йил 1 январдан эса яна 1,25 баробар оширилди.

Президентимиз фуқароларни уй-жой билан таъминлаш, уларга ер участкалари бериш тўғрисидаги қарорига мувофиқ ушбу саволларимизга аниқлик киритиб беришингларни сўраймиз.

1. Президентимизнинг фармони бўйича кимлар уй-жой қуриш учун ер участкаси олиш ҳуқуқига эга? Ер участкаси беришда хўжаликнинг ички имконияти ҳисобга олинадими?

2. Ер сўраб ариза ёзган фуқаро ўзи хўжаликда ишламасдан қўшни вилоятларда деҳқончилик қилиб юрса (биздагилар кўпроқ Жиззах чўлларида ишлайди), яшаш жойида рўйхатда бўлмаса, унга ер берилиши керакми?

3. Турмушдан ажралиб келган 25—30 ёшдаги аёллар ота-онаси қарамоғида бўлса, уларга ҳам уй-жой қуриш учун ер бериш мумкинми?

4. Бир вақтлар турли сабаблар билан қўшни республика, вилоят ва районларга кўчиб кетиб, у ерда уйли-жойли бўлганларнинг ота-боболарининг жойи шу қишлоқда. Эндиликда уларда ота жойига келиб яшаш истаклари туғилапти. Бундай фуқароларга ҳам ер бериш лозимми?

Ҳайдарова Ойшахон,  
Матқосимов Иброҳим — ер тузувчи  
Абдуллаев Ботирали — қурилиш техниги  
Андижон вилояти, Булоқбоши районидаги  
«Шарқ юлдузи» жамоа хўжалиги  
уй-жой комиссиясининг аъзолари.

Саволларингизга жавоблар қуйидагича:

1. Уй-жой қуриш учун ер участкаси олишга даъвогар шу жамоа ёки давлат хўжалигида (ҳудудидан) яшаш шарт ва қишлоқ кенгаши (сельсовет)нинг хўжаликлар рўйхати китобида рўйхатдан ўтган бўлиши керак.

Ажратиладиган ер миқдори ҳар бир хўжаликнинг аниқ шароитларидан келиб чиқади.

2. Агар у ишлаётган ташкилот ер участкаси ажратиш тўғрисида илтимос хати юборса, имкониятлар ҳисобга олинган ҳолда ер олувчининг аризаси кўриб чиқилади.

3. Ундай шахсларга ер участкаси берилмайди. Улар қонуний ҳолда васиятнома асосида меросхўр сифатида ота-оналар жойига эгалик қилишлари мумкин.

4. Бу масала жамоа хўжалигининг умумий йиғилиши қарори билан ҳал этилади.

Юқорида қайд қилинган жавобларимиздан ташқари ҳозирда ўз кучига эга бўлган Ўзбекистон Компартияси Марказий Кўмитаси, Республика Олий Кенгаши раёсати ва Вазирлар Кенгашининг 1989 йил 15 августдаги 258-сонли қўшма қарори билан танишингизни тавсия этамиз.

Мен мактабда 33 йилдан буён ишляпман, ёшим 52 да. Нафақага чиқсам бўладими? Нафақага чиққан ўқитувчи ишлаш ҳуқуқига эгамми?

Г. КАРИМОВА,  
Сирдарё вилояти, Ховос станцияси,  
Ўзбекистон 50 йиллиги кўчаси 8-уй.

Амалдаги меҳнат қонунлари асосида Сиз кексалик бўйича 55 ёшдан нафақа олишингиз мумкин.

52 ёшда узоқ йиллар ишлаганлик бўйича нафақа олиш ҳуқуқига эгасиз. Бундай нафақа олиш учун Сиз ижтимоий таъминот маҳаллий органларига мурожаат қилишингиз мумкин.

Нафақа ёшига етган ва ундан ошган педагог мактаб маъмурияти билан муддатли меҳнат шартнома-си бўйича мактабдаги ишни давом эттириши мумкин.

● Саҳифани мухбирлар билан ишлаш бўлими тайёрлади.











## ҲАМКОРЛИКНИ МУСТАҲКАМЛАШГА ҚЎЙИЛГАН МУҲИМ ҚАДАМ

ЎТГАН ҳафтанинг чин маънода муҳим воқеаси Россия ҳукуматининг бошлиғи Виктор Степанович Черномирдиннинг Ўзбекистон Республикаси пойтахти Тошкентга амалий ташриф буюриши бўлди.

Россия ҳукумати бошлиғининг қисқа муддатли ташрифи, унинг Ўзбекистон Республикаси Президенти Ислам Каримов билан самарали музокаралари Ўзбекистон Республикаси мустақил ташқи сиёсатининг чуқур ўйланган, чамалаб қўрилган сиёсат эканлигидан яна бир бор гувоҳлик бериб турибди. Ўзбекистон Республикаси Президенти ташқи сиёсатни амалга ошира бориб, яқин хориж мамлакатлари билан сиёсий, иқтисодий ва ижтимоий алоқаларни мустаҳкамлашни изчил амалга ошираётди. Бунда Россия билан ҳамкорликка катта аҳамият бермоқда. Президент Ислам Каримов Россия билан ҳамкорлик сиёсатини изчил амалга ошира бориб, Россия ва Ўзбекистон ўртасида тарихий юзага келган устун ташқи сиёсат эканлигини бир неча бор баён қилган эди. Бундай ёндашиш узок йиллар мобайнида ишлаб чиқариш кучлари ва ишлаб чиқариш миллий соҳаларини тақсимлашда юзага келганлигига боғлиқдир. У албатта ишлаб чиқаришда ва хом ашёни ишлашда асосий объектив эҳтиёжлардан, ёқилғи-энергетика ресурсларидан келиб чиқади. Энг муҳими шундаки, Президент таъкидлаб ўтганидек, бугунги кунда Ўзбекистон Россия билан ўзаро ҳамкорликсиз ўз иқтисодиётини ривожлантириш ҳолатида эмас, чунки Ўзбекистон олти миш ва ундан ортиқ фойза хом ашё, материаллар, машиналар, ёқилғиларни, кенг истеъмол молларининг бир қатор озик-овкат турларини ташқаридан олиб келади. Россия — бу sanoati юксак ривожланган мамлакат бўлиб, у замонавий технология асосида ишлайди, улкан илмий имконият, илгор фан ва маданиятга эга. Россия бугунги кунда хорижий мамлакатлар билан чегараларимизнинг мустақиллиги ва дахлсизлигининг кафолати бўлиб чиқмоқда. Россия ва Ўзбекистон давлат ва ижтимоий ривожланишининг қўлғина соҳаларида самарали ҳамкорлик қилмоқдалар. Бу мамлакатлар ўртасидаги самарали ҳамкорлик қилишнинг асосини ўтган йили имзоланган давлатлараро муносабатлар, икки мустақил давлат ўртасидаги дўстлик ва ҳамкорлик асослари тўғрисидаги шартнома ва кўпгина бошқа битишувлар ҳисобланади. Россия ва Ўзбекистон ўртасида ҳамкорликни янада ривожлантиришда МДХ аъзолари бўлган мамлакат Президентлари ва ҳукумат бошлиқларининг Тошкент Кенгаши, Россия Президентининг Тошкентда бўлганида икки дўст мамлакат ўртасида ҳамкорликни ривожлантиришни сидқидилдан истаётганлигини баён қилганлиги гоят ижобий роль ўйнамоқда. Чунки Россия мустақил Ўзбекистон билан ҳар жиҳатдан алоқаларни мустаҳкамлашдан манфаатдордир.

Март музокаралари пайтида ҳукуматлар бошлиқлари ўртасида азалий, янгидан юзага келган иқтисодий алоқаларни бундан буён мустаҳкамлашга хизмат қилувчи ҳужжатлар мажмуаси имзоланди. Имзоланган шартномалар фан, маданият, кадрлар тайёрлаш, информатика соҳаларида ҳамкорлик қилиш принципларини белгилаб беради. Фикримизча, имзоланган шартномада белгилаб берилган ягона иқтисодий макон, Ўзбекистон ягона рубль минтақасида қолишни баён қилиниши, табиийки, давлатлар даражасида маҳсулотлар етказиб беришни ўзаро ҳисоб-китоб қилишни анча энгиллаштирибгина қолмай, балки алоҳида sanoat корхоналари ва ташкилотларининг ўзаро тўғридан-тўғри ҳисоб-китоб қилишини ҳам энгиллаштиради. Ўзбекистон ўз зиммасига Россияга пахта етказиб бериш вазифасини олди ва шу билан Россия тўқимачилик sanoatининг хом ашё билан таъминлайди. Россия ва Ўзбекистон ўртасидаги ҳамкорлик фақат ўзаро фойдали муносабатлар ва ҳар икки давлат халқларининг манфаатларига риоя этиш асосига қурилмоқда.

Сиёсатдаги санъат аввало шундан иборатки, у хоҳ Президент ёки ҳукумат бошлиғи бўлсин, кадамма-кадам амалий муваффақиятларга эришишга моҳирона раҳбарлик қила билишида, ташқи ва ички сиёсатда амалий натижаларга эришишда, ташқи сиёсатни мамлакатнинг ички таъкидоти, халқнинг турмуш даражасини яхшилаш манфаатларига бўйсундиришдадир. Ўзбекистон Республикаси Президенти Ислам Каримов айна мана шундай давлат арбоби ва сиёсий раҳбардир. Унинг амалий фаолияти сиёсий барқарорликни мустаҳкамлашга ва миллатлараро муносабатлар юксак маданиятини ривожлантиришга қаратилган бўлиб, бу табиийки, иқтисодий қийинчиликларни бартараф этишда ижобий таъсир кўрсатади. Президентимиз мавжуд иқтисодий қийинчиликлар бўлишига қарамай, бюджетда бўлган ходимларнинг иш ҳақини стипендия ва нафакани навбатдаги оширишини, энг кам иш ҳақини 3000 сўм микдоридан белгилашни мумкин деб топди.

Биз истикболимизга умидбахшлик билан боқаямиз. Чунки Президентимиз томонидан олиб борилаётган ташқи сиёсат халқимизнинг манфаатларига хизмат қилмоқда.

Элбек ҚАРИМОВ,  
«Ишонч»нинг сиёсий  
шарҳловчиси

## ДУНЁ ХАБАРЛАРИ

● СИНЬХУА агентлигининг хабарига кўра, Хитой яқин вақт ичида Россия ва МДХ га аъзо бўлган бошқа давлатлардан ўз ички авиалинияларида фойдаланиш учун 16 та пассажир самолёти сотиб олади.

● ҚУРОЛЛАНГАН босқичлар Коста Рикадаги Никарагуа элчихонасига бостириб бориб, 13 кун мобайнида у ерга ҳеч кимни йўлатмаганлар. Улар 250 минг доллар олганларидан сўнггина дипломатик ваколатхона биносини тарк этишган.

● ЛОТИН АМЕРИКАСИДА СПИД бўйича бўлиб ўтган биринчи анжуманда 1994 йил бошига келиб жиҳонда бу ўлат билан касалланган болалар сонини 1 миллионга етиши маълум қилинди.


● ВЕНГРИЯДА собиқ коммунистлар раҳбари Янош Кадарнинг мол-мулки ким ошди савдосида сотилди. Бундан тушган маблағ 200 минг долларни ташқил қилди. Бу маблағнинг олти миш фойзи етим-есирлар жамғармаси ташқил қилиш учун сарф қилинди. Унинг қолган қисми Кадар оиласига берилди.

● КЕЙИНГИ пайтларда қисқа вақт ичида Бихар штатидаги Палама округида очлик туфайли 200 дан ортиқ киши вафот этди. Бунинг асосий сабаби Хиндистоннинг бир канча районларида курғоқчиликнинг узок давом этганлигидир.

● ХИТОЙДА кейинги беш йилликда порахўрлик билан боғлиқ бўлган, 214 мингдан кўп жиний иш кўзга тилган. Бу айб билан 95 мингдан ортиқ киши жиний жавобгарликка тортилди. Давлатга умумий миқдори 2,6 миллиард юан бўлган пул ва мулк қайтарилган.

● ЯПОНИЯ мамлакатда ва хорижда танқид қилинишига қарамасдан, тезлаштиригич нейтронлар билан ишловчи реактор қуриш ва бу лойиҳани амалга ошириш учун плутонийдан фойдаланишдан воз кечмоқчи эмас. Шу мақсадда, деб хабар қилади «Иомиури» газетаси, Япония атом энергиясидан фойдаланиш ҳукумат комиссияси тезлаштиригич нейтронлар билан ишловчи иккинчи реактор нусхасини тайёрлашга қарор қилди. «Мондзю» деб аталган шу хилдаги биринчи реакторни октябрь ойида тўла қувватда ишга тушириш мўлжалланган.

## ТИЖОРАТ



### ЎЗБЕКИСТОН РЕСПУБЛИКАСИНING БИР ЛАҲЗАЛИ ЛОТЕРЕЯСИ

СИЗГА ШАХСИЙ ЖАМҒАРМАНГИЗНИ  
ТЎЛДИРИШГА ВА ҲАТТО МИЛЛИОНЕР  
БЎЛИШИНГИЗГА АНИҚ ИМКОНИАТ ЯРА  
ТАДИ!

РЕСПУБЛИКАНИНГ МИНГЛАБ ФУҚАРО  
ЛАРИ БУНГА ШАХСАН ИШОНЧ ҲОСИЛ ҚИ  
ЛИШДИ!

Сизни 25 000 000 сўм, 15 000 000 сўм,  
10 000 000 сўм, 5 000 000 сўм, 1 000 000 сўм,  
500 000 сўм ва бошқа ютуқлар кутмоқда.

100, 200 ва 500 сўм турадиган бир лаҳзалик лоте  
рея билетлари Жамғарма банки муассасаларида  
ва жамоатчи тарқатувчилар орқали сотилмоқда.

Лотерея шартлари тўғрисидаги тўла маълум  
лотларни Сиз:


— Лотерея билетлари сотилаётган жойларда  
ги афишаларни ўқиб:

— 54-26-31, 33-51-95, 45-66-43 телефонлари  
орқали олишингиз мумкин.

БАХТИНГИЗНИ СИНАБ КЎРИНГ!  
ОМАД СИЗГА ЁР БЎЛСИН!

«ЭКОСАН»  
ЖАМҒАРМАСИ

«ВОСТОК»  
ФИРМАСИ



ЎЗБЕКИСТОН


БОШҚАРМАСИ.

## ОМАД СИЗГА ЁР БЎЛСИН!

Ўзбекистон Республикасининг  
1992 йилги 12 фойзли ички ютуқли  
заёмининг тўртинчи тиражи 30 март  
куни Термиз шаҳрида ўтказилади!

Омад сизга ёр бўлсин!

Тиражда қатнашишга таклиф  
этамиз!



ЎЗБЕКИСТОН БОШҚАРМАСИ.









## «ШОХРИЁР» АШГАБАТГА ЖЎНАБ КЕТДИ

ЎРТА ОСИЁ ва Қозоғистон республикалари театрларининг анъанавий «Наврўз» фестивали бу йил ҳалқаро анжуман мақомини олди. Туркменистоннинг пойтахти Ашгабат шаҳрида бугун бошланадиган «Наврўз—93» фестивалида Марказий Осий давлатларидан ташқари Туркия, Озарбайжон ва Татаристон мамлакати санъаткорлари ҳам иштирок этишди. Эронликлар меҳмон сифатида қатнашиш истагини изҳор қилишди.



## Хабарлар мағзи

● **ЎЗБЕКИСТОН** Республикаси Вазирлар Маҳкамасининг «Йўл ҳаракати хавфсизлигини таъминлашга оид қўшимча чора тadbирлар тўғрисида» қабул қилган қароридан автотранспорт воситалари кимга тегишли бўлишидан қатъий назар руль бошқаруви ўнг томонда жойлашган бўлса, 1993 йилнинг

1 мартдан рўйхатга олиншига, 1 июлдан эса улардан фойдаланишга йўл қўйилмаслиги таъкидланган.

Ўзбекистон Республикасининг Давлат божхона қўмитаси ва Молия вазирлигига фуқароларнинг олиб келаётган хорижий маркадаги транспорт воситаларига вақтинчалик божларнинг ставкаларини кўпайтиришни қайта кўриб чиқиш топширилди.

● **АМЕРИКА** Қўшма Штатлари Президенти Билл Клинтон америка халқи номидан Ўзбекистон Республикаси Президенти



Искандер Айтмуродов ишлаган. Шундай қилиб, «Шохриёр» биринчи марта Ашгабатга «Наврўз—93» фестивалида қатнашиш учун жўнаб кетди. Биз мамлакатимиз театрлари шарафини химоя қилаётган қорақалпоғистонлик санъаткорларнинг ижодий ютуқларга эришиб, совринли фахрий ўринлардан бирини эгаллаб қайтишидан умидвормиз.

«Ишонч» мухбири.

## БЕЛЛАШУВ НАВРЎЗДА БЎЛАЯПТИ

Бағдод райони хокимияти



Ислом Абдуганиевич Каримовни ва Ўзбекистоннинг барча фуқароларини улуг айём — Наврўз билан муборакбод этди.

● **ЎЗБЕКИСТОН** Республикаси Вазирлар Маҳкамасининг қарори билан Маматкул Ҳазраткулов Ўзбекистон Миллий ахборот агентлиги бош директори этиб тайинланди.

● **ЧОРШАНБА** куни бутун мусулмон олами Рўза ҳайитини кенг нишонлади. Халқимиз қа-

домонидан район ва вилоят хотин-қизлар кенгашининг фикрлари ўрганилиб «Миллий урф-одатлар ва анъаналар ҳаётимиз кўрки» ҳамда «Алла» мавзусида район кўрик-беллашувини ўтказишга қарор қабул қилинди.

Беллашув бошланди, 10 апрелда ғолиблар аниқланди.

Хўш, ғолибларни қандай совринлар кутмоқда. Биринчи ўринни олган жамоа гуруҳига 10000 сўм, 2 ўринни олганларга 8000 сўм, 3 ўринсоҳибларига 6000 сўм мукофот белгиланган. Яққа ғолиблар учун эса 9000 сўм ажратилди.

А. ДАМИНОВ,  
«Ишонч» мухбири.

# Ишонч

БОШ МУҲАРРИР  
ТЎЛҚИН ҚОЗОҚБОЕВ

ТАҲРИР ҲАЙЪАТИ:

Акмал АҚРОМОВ  
(бош муҳаррир муовини),  
Абдуманноп АЛИМБОЕВ,  
Муҳаммадлатиф ЖУМАНОВ,  
Тургунбой МАДИЕРОВ,  
Тургун НАЗАРОВ  
(масъул котиб),  
Абдурасул РЎЗМАТОВ,  
Саминжон СУЛТОНОВ  
(вилоят муҳбири),  
Муҳайё ТЎЛАГАНОВА,  
Шабоб ХЎЖАЕВ,  
Санобар ХЎЖАЕВА,



- Бош муҳаррир қабулхонаси 56-25-36
- Бош муҳаррир муовини 56-52-89
- Масъул котиб 56-52-78

БЎЛИМЛАР

- Мухбирлар билан ишлаш — 56-82-79
- Маданият, маънавият ва хатлар 56-87-78, 56-87-63.
- Ишлаб чиқариш ва хўжалик — 56-55-85.

● ВИЛОЯТЛАРДАГИ  
МУХБИРЛАРИМИЗНИНГ  
ТЕЛЕФОНЛАРИ:

- Андижонда — 5-32-24;
- Бухорода — 3-50-10
- Гулистонда — 2-10-02;
- Жиззахда — 2-39-54;
- Навои — 3-59-99;
- Наманганда — 6-22-10;
- Нукусда — 4-19-97;
- Самарқандда — 35-63-64;
- Термизда — 2-70-07;
- Тошкентда — 56-87-95;
- Фарғона — 4-28-29
- Урганч — 6-03-40
- Қаршида — 5-33-71;

● Мухарририятга келган қўлёзмалар (2 ораликда 5 бетдан ошмаслиги лозим) ва суратлар муаллифларга қайтарилмайди, фойдаланилмаган хатларга жавоб юборилмайди. Таҳририят воситачилик қилмайди. Мақолалардаги фикр-мулоҳазалар, келтирилган факт ва рақамлар масъулияти муаллифлар зиммасидадир.

● Газета 1991 йил 21 мартдан чиқа бошлаган.

● «Ишонч» газетаси 1991 йил 8 январь куни Ўзбекистон Республикаси матбуот давлат қўмитасида рўйхатга олинган ва унга 000068 сонли гувоҳнома берилган.

● ГАЗЕТАМИЗ ҲОМИЙЛАРИ:  
Ўрта Осий электр аппаратлари илмий ишлаб чиқариш бирлашмаси,

Тошкент вилояти, Ўрта Чирчик райони Ким Пен Хава номидаги корпорация.



- Сотувдаги нархи 10 сўм.
- ШАНБА кунлари чиқади.
- Босишга 26 мартда топширилди.

● Навбатчи масъуллар:

Тургун Назаров,  
Жонрид Абдуллахонов.

● МАНЗИЛИМИЗ:

700165, Тошкент шаҳри, «Правда Востока» кўчаси, 24-уй.

● 84460 нусхада босилди.

● Нашр кўрсаткичи: 64560; 64561.

● Буюртма — № Г140.

● Оффсет усулида босилди, формати А-3, ҳажми 4-босма табок.

● **Ўзбекистон Республикаси Президенти Маҳкамаси Ишлар бошқармаси ҳузуридаги «Шарқ» нашриёт-матбаачилик концерни. Корхона манзили: «Буюк Турон» кўчаси, 41-уй.**